

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-165/17
Vareš, 27.07.2017. godine

Z A P I S N I K
s 8. sjednice Općinskog vijeća Vareš,
održane 28.06. 2017. godine

Kenan Kamenjaš – predsjedavajući Općinskog vijeća Vareš, otvorio je 8. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Marošević Mario, Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Igor, Šimić Nikola i Turki Fadila.

Odsutni: Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Ermin Musa i gosp. Rusmir Berberović, direktorica i predsjednica Upravnog Odbora JU Centar za socijalni rad Vareš – gosp. Nihada Gondžo i gosp. Robertina Šokić, direktorica i predsjednica Upravnog odbora JU Opća biblioteka Vareš – gosp. Jasmina Šijak i gosp. Ilijana Gavran-Radojević, predsjednik Upravnog odbora JPU Dječije obdanište – gosp. Kasim Fatić, gosp. Dragan Orozović, gosp. Izudin Muftić i predsjednici političkih partija.

Sekretar OV Leon Pavlović izvijestio je Vijeće o realizaciji odgovora na postavljena vijećnička pitanja sa 7. sjednice OV održane 26.05. 2017. godine. Na 7. sjednici OV nije bilo zaključaka koji su obavezujući za Izvršnu vlast. Postavljeno je osamnaest (18) vijećničkih pitanja. Na sva postavljena pitanja odgovoreno je usmeno i dostavljeni su pismeni odgovori podnosiocima vijećničkih pitanja.

Predsjedavajući OV skrenuo je pažnju vijećnicima i Općinskom načelniku na odredbe Poslovnika o radu OV član 77. koji se odnosi na vrijeme postavljanja i davanja odgovora na vijećnička pitanja i podsjetio je vijećnike na poštivanje Etičkog kodeksa o čemu je dao pojašnjenje.

Općinski načelnik Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne o planiranim aktivnostima i projektima koji su značajni za općinu Vareš (izgradnja staračkog doma, punionica vode, prodaja objekta „Odmaralište Doli“, posjeti NK Hajduk u Vareš, i dr.).

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba



(Vijećnička pitanja)

Kruno Ridić

Izjavio je da je nezadovoljan odgovorom na postavljeno vijećničko pitanje na prošloj sjednici koje se odnosilo na uspostavu „javnih registara“ Općine Vareš o čemu je dao pojašnjenje.

1. Pitanje uputio načelniku: Postoji li mogućnost da se spomenik „Izgradnje rudnika“, koji se nalazi na platou ispred PU Vareš, uredi i oboji, jer isti predstavlja ogledalo grada i za turiste koji dolaze?

Mirnes Ajanović

2. Pitanje uputio sekretaru OV: Zašto se vijećniku ne dozvoljava dostupnost informacijama u Službi za boračko-invalidsku zaštitu, i zašto službenik iste odbija vijećnički zahtjev za pristup informacijama, kada je po Zakonu o dostupnosti informacijama i Statutu Općine Vareš dozvoljen pristup istim?
3. Kada će se u selu Slavin riješiti problem koji se odnosi na uništavanje puta od strane kamiona, jer navedena radnja dovodi do ugrožavanja vodovodne, kanalizacione i telefonske mreže koja se nalazi ispod puta? (o postavljenom pitanju dao je dodatno obrazloženje)

Nedžad Mušanović

4. Pitanje uputio načelniku: Da li će se u skorije vrijeme nešto poduzeti za rasvjetu u MZ Ravne i Zubeta, i da li još uvijek postoji projekat za istu u ovoj MZ-i? (o postavljenom pitanju dao je dodatno obrazloženje)

Alma Kamenjaš

5. Da li se u skorije vrijeme može očekivati rješenje za problem, koje se odnosi na čišćenje korita rijeke Žahlje u naselju Dabravine, kako ne bi došlo do plavljenja okolnih stambenih objekata i privrednog subjekta? (o postavljenom pitanju dala je dodatno obrazloženje)

Elvir Rožajac

6. Kada će se sanirati lokalni put na lokalitetu od zaseoka Stope prema mjesnom groblju u Ravnima? (o postavljenom pitanju dao je dodatno obrazloženje)

Fadila Turki

7. Kome se mogu prijaviti građani koji smećem zagađuju okolinu, i da li postoje određene sankcije za iste?

Općinski načelnik dao je usmene odgovore na većinu postavljenih pitanja vijećnika.

Predsjedavajući OV stavio je na raspravu Zapisnik sa 7. sjednice OV.

Nije bilo primjedbi i predsjedavajući OV stavio je na izjašnjanje Zapisnik sa 7. sjednice OV i nakon izjašnjanja vijećnika konstatuje da je **jednoglasno sa (19 glasova „ZA“) usvojen Zapisnik sa 7. sjednice OV.**

Predsjedavajući OV stavio je na raspravu prijedlog dnevnog reda za 8. sjednicu OV koji je usaglašen na Kolegiju Općinskog vijeća.

Ispred ovlaštenog predlagača Ermin Musa pomoćnik načelnika predložio je dopunu dnevnog reda sa tačkom 4. „Prijedlog Odluke o odobravanju kupovine poslovne zgrade zvane „Stacionar“ u Vareš Majdanu. O prijedlogu za dopunu dao je pojašnjenje.

Predsjedavajući OV stavio je na izjašnjanje prijedlog dopune dnevnog reda današnje sjednice sa tačkom 4. „Prijedlog Odluke o odobravanju kupovine poslovne zgrade zvane „Stacionar“ u Vareš Majdanu.

Nakon izjašnjanja vijećnika predsjedavajući OV konstatuje da je **jednoglasno sa (19 glasova „ZA“) usvojena dopuna dnevnog reda 8. sjednice.**

Predsjedavajući OV stavio je na izjašnjanje prijedlog dnevnog reda za 8. sjednicu OV sa prihvaćenom dopunom dnevnog reda.

Nakon izjašnjanja vijećnika predsjedavajući OV konstatuje da je **jednoglasno sa (19 glasova „ZA“) usvojen sljedeći**

Dnevni red:

1. Prijedlog Odluke o usvajanju Plana zaštite od požara na području općine Vareš.
- Izvjestilac: Rusmir Berberović
2. Prijedlog Odluke o utvrđivanju javnog interesa
- Izvjestilac: Ermin Musa
3. Prijedlog Odluke o gubitku statusa javnog dobra u općoj upotrebi
- Izvjestilac: Ermin Musa
4. Prijedlog Odluke o odobravanju kupovine poslovne zgrade zvane „Stacionar“ u Vareš Majdanu..
- Izvjestilac: Ermin Musa
5. Izvještaj Komisije za procjenu prometne vrijednosti nekretnina za 2016. godinu
- Izvjestilac: Predsjednica Komisije Pezo Adaleta
6. Izvještaj o radu Centra za socijalni rad Vareš za 2016. godinu
- Izvjestilac: Predsjednica Upravnog odbora i direktorica javne ustanove.
7. Izvještaj o radu Opće biblioteke Vareš u 2016. godini
- Izvjestilac: Predsjednica Upravnog odbora i direktorica javne ustanove

8. Izvještaj o radu i poslovanju JPU „Dječije obdanište Vareš“ u 2016. godini.
 - Izvjestilac: Predsjednik Upravnog odbora i v.d direktor javne ustanove.

9. Informacija o stepenu implementacije Plana upravljanja otpadom općine Vareš 2014 -2019
 - Izvjestilac: Ermin Musa.

10. Informacija o provođenju lokalnog ekološkog akcionog/akcijskog plana za općinu Vareš u 2016. godini.
 - Izvjestilac: Ermin Musa

11. Tekuća pitanja

Ad. 1.

(Prijedlog Odluke o usvajanju Plana zaštite od požara na području općine Vareš.)

Komisija za statutarna pitanja i propise na 5. sjednici održanoj 23.06.2017. godine jednoglasno je donijela Zaključak:

- Komisija nema primjedbi na Prijedlog Odluke o usvajanju Plana zaštite od požara na području općine Vareš, s tim da se u preambuli iza navedenog člana 16. dodaju riječi „stav 1. tačka 5.“ i isti upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje stavove, prijedloge, sugestije, mišljenja i pitanja iznijeli vijećnici: Emir Islamović, Kruno Riđić, Mirnes Ajanović, Nikola Šimić i Općinski načelnik Zdravko Marošević.

Pomoćnik načelnika Rusmir Berberović dao je dodatno pojašnjenje za ovu tačku dnevnog reda i ispred predlagača izjavio da prihvata prijedloge i sugestije vijećnika iznesene u raspravi i da će isti biti uvršteni u Plan zaštite od požara na području općine Vareš.

Zaključena je rasprava i predsjedavajući OV stavio je na izjašnjavanje Prijedlog Odluke o usvajanju Plana zaštite od požara na području općine Vareš uz prihvaćene primjedbe, sugestije i Zaključak Komisije za statutarna pitanja i propise.

Nakon izjašnjavanja vijećnika predsjedavajući OV konstatuje da **je jednoglasno sa (19 glasova „ZA) usvojena**

Odluka o usvajanju Plana zaštite od požara na području općine Vareš.

Ad. 2.

(Prijedlog Odluke o utvrđivanju javnog interesa.)

Komisija za statutarna pitanja i propise na 5. sjednici održanoj 23.06.2017. godine jednoglasno je donijela Zaključak:

- Komisija nema primjedbi na Prijedlog Odluke o utvrđivanju javnog interesa i isti upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Branko Romić i iznio pozitivno mišljenje u vezi ove tačke dnevnog reda.

Zaključena je rasprava i predsjedavajući OV stavio je na izjašnjavanje Prijedlog Odluke o utvrđivanju javnog interesa.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojena**

Odluka o utvrđivanju javnog interesa.

Ad.3.

(Prijedlog Odluke o gubitku statusa javnog dobra.)

Komisija za statutarna pitanja i propise na 5. sjednici održanoj 23.06.2017. godine jednoglasno je donijela Zaključak:

- Komisija nema primjedbi na Prijedlog Odluke o gubitku statusa javnog dobra u općoj upotrebi s tim da se u članu 2. iza riječi „javno dobro“ dodaju riječi „upisati u korist vlasništva i posjeda Općine Vareš“ (ostale riječi se brišu), i isti upućuje Vijeću na razmatranje.

Ovlašteni predlagač prihvatio je stav Komisije i nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o gubitku statusa javnog dobra uz Zaključak Komisije.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“) usvojena**

Odluka o gubitku statusa javnog dobra.

Ad.4.

(Prijedlog odluke o odobravanju kupovine poslovne zgrade zvane „Stacionar“ u Vareš Majdanu.)

Komisija za statutarna pitanja i propise na 5. sjednici održanoj 23.06.2017. godine jednoglasno je donijela Zaključak:

- Komisija nema primjedbi na Prijedlog Odluke o odobravanju kupovine poslovne zgrade zvane „Stacionar“ u Vareš Majdanu i isti upućuje Vijeću na razmatranje.

Općinski načelnik Zdravko Marošević dao je dodatno pojašnjenje za ovu tačku dnevnog reda u kome je upoznao prisutne i javnost da je poslovna zgrada „Stacionar“, koja se nalazi u Vareš Majdanu, u vlasništvu Saveza samostalnih sindikata BiH i da je Savez voljan istu ustupiti Općini Vareš uz naknadu. Izvijestio je prisutne o aktivnostima koje se trebaju sprovesti, kako bi se isti objekat mogao ponuditi investitorima za izgradnju staračkog doma.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o odobravanju kupovine poslovne zgrade zvane „Stacionar“ u Vareš Majdanu.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojena

Odluka o odobravanju kupovine poslovne zgrade zvane „Stacionar“ u Vareš Majdanu.

Ad.5.

(Izveštaj Komisije za procjenu prometne vrijednosti nekretnina za 2016. godinu.)

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj Komisije za procjenu prometne vrijednosti nekretnina za 2016. godinu.

Nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“)** (odsutni vijećnici Anel Muftić i Nedžad Mušanović) **usvojen**

Izveštaj Komisije za procjenu premetne vrijednosti nekretnina za 2016. godinu.

Ad.6.

(Izveštaj o radu Centra za socijalni rad Vareš za 2016. godinu.)

Otvorena je rasprava u kojoj su svoje stavove i mišljenja iznijeli vijećnici: Mirnes Ajanović, Kruno Riđić, Safeta Muftić, Elvir Rožajac i Ilhana Fatić. U raspravi je učestvovao i Općinski načelnik Zdravko Marošević i iznio svoje mišljenje o socijalnom stanju na području općine Vareš i radu JU Centar za socijalni rad Vareš.

Zaključena je rasprava i predsjedavajući OV stavio je na izjašnjavanje Izveštaj o radu Centra za socijalni rad Vareš za 2016. godinu.

Nakon izjašnjavanja vijećnika predsjedavajući OV konstatuje da je jednoglasno **sa (17 glasova „ZA“)** (odsutne vijećnice Alma Kamenjaš i Safeta Muftić) **prihvaćen**

Izveštaj o radu Centra za socijalni rad Vareš za 2016. godinu.

Predsjedavajući OV dao je pauzu u trajanju od 30 minuta.

Nastavljeno je sa radom sjednice.

Ad.7.

(Izveštaj o radu Opće biblioteke Vareš u 2016. godini.)

Otvorena je rasprava u kojoj su svoje stavove i mišljenja iznijeli vijećnici: Alma Kamenjaš, Elvir Rožajac, Kruno Riđić i Branko Romić. U raspravi je učestvovao i Općinski načelnik Zdravko Marošević koji je iznio pozitivno mišljenje u vezi rada javne ustanove.

Zaključena je rasprava i predsjedavajući OV stavio je na izjašnjavanje Izveštaj o radu Opće biblioteke Vareš.

Nakon izjašnjavanja vijećnika predsjedavajući OV konstatuje da je jednoglasno **sa (19 glasova „ZA“)** **prihvaćen**

Izveštaj o radu Opće biblioteke Vareš u 2016. godini.

Ad.8.

(Izveštaj o radu i poslovanju JPU „Dječije obdanište Vareš“ u 2016. godini.)

Otvorena je rasprava u kojoj su svoje stavove i mišljenja iznijeli vijećnici Safeta Muftić i Adis Čizmo. U raspravi je učestvovao i općinski načelnik Zdravko Marošević i iznio svoje mišljenje o radu i poslovanju ove ustanove.

Zaključena je rasprava i predsjedavajući OV stavio je na izjašnjavanje Izveštaj o radu i poslovanju JPU „Dječije obdanište Vareš“.

Nakon izjašnjavanja vijećnika predsjedavajući OV konstatuje da je jednoglasno **sa (19 glasova „ZA“)** **prihvaćen**

Izveštaj o radu i poslovanju JPU „Dječije obdanište Vareš“ u 2016. godini.

Ad.9.

*(Informacija o stepenu implementacije
Plana upravljanja otpadom općine Vareš 2014-2019.)*

Nije bilo rasprave po ovoj tački dnevnog reda i predsjedavajući OV konstatuje uz **Zaključak da je Vijeće primilo k znanju**

***Informaciju o stepenu implementacije
Plana upravljanja otpadom općine Vareš 2014-2019.***

Ad.10.

*(Informacija o provođenju lokalnog ekološkog akcionog/akcijskog
plana za općinu Vareš u 2016. godini.)*

U raspravi je učestvovao vijećnik Kruno Riđić koji je iznio svoje mišljenje za ovu tačku dnevnog reda i postavio pitanje kada se planira postavljenje niša za kontejnere.

Zaključena je rasprava i predsjedavajući OV konstatuje uz **Zaključak da je Vijeće primilo k znanju**

***Informaciju o provođenju lokalnog ekološkog akcionog/akcijskog
plana za općinu Vareš u 2016. godini.***

Ad. 11.

(Tekuća pitanja)

Predsjedavajući OV upoznao je Vijeće sa upućenim dopisima Općinskom vijeću Vareš i to:

1. Inicijativa za stavljanje van snage Zaključka o davanju saglasnosti za deponovanje smeća sa područja općine Breza na deponiju „Kota“, kao i sprečavanje dovoza smeća iz drugih općina na područje općine Vareš, broj 35/17 od 19.06.2017. godine. Inicijativa je dostavljena od strane OO SDP Vareš.

Predsjedavajući OV upoznao je Vijeće da je Kolegij razmatrao Inicijativu i ista je prosljeđena Općinskom načelniku na očitovanje u skladu sa Poslovníkom o radu OV.

Općinski načelnik Zdravko Marošević javio se za riječ i u svom obraćanju i iznio mišljenje u vezi problema zbrinjavanja otpada. Izjavio je da uvažava Inicijativu i pozvao sve one koji imaju prijedloge u vezi rješavanja problema zbrinjavanja otpada da isti predlože.

Predsjedavajući OV je konstatovao da je Općinski načelnik dao usmeno očitovanje o dostavljenoj Inicijativi i da će u skladu sa Poslovníkom o radu OV, Općinski

načelnik u roku od 15 dana detaljno razmotriti Inicijativu, te o istoj se pismeno očitovati i o svom stavu obavijestiti Vijeće.

2. Dopis grupe mještana MZ Dragovići od 29.05.2017. godine u vezi donošenja Odluke o potvrđivanju rezultata izbora za članove savjeta mjesnih zajednica na području općine Vareš. (u prilogu dopisa su potpisi građana).

Općinski načelnik javio se za riječ i u svom obraćanju i iznošenju mišljenja po dopisu grupe građana MZ Dragovići izjavio da je Odluka o potvrđivanju rezultata izbora za članove savjeta mjesnih zajednica usvojena, te je kao takva zakonska i validna. Pozvao je mještane MZ Dragovići da međusobno sarađuju, te da se pridržavaju navedene Odluke koja je usvojena na 7. Sjednici OV 26.05.2017. godine.

Predsjedavajući OV ukazao je na procedure u vezi izbora organa u mjesnoj zajednici, koje su utvrđene Statutom Općine i Statutom mjesne zajednice, te iste treba ispoštovati.

Za riječ se javio vijećnik Kruno Riđić koji je iznio svoje mišljenje u vezi dopisa grupe građana MZ Dragovići i radu MZ u proteklom periodu i sugerisao na izmjenu Statuta, o čemu je dao pojašnjenje.

Sastavni dio ovog Zapisnika je audio zapis sjednice.
Sjednica je završena u 18,50 sati.

SEKRETAR

Leon Pavlović

***PREDSJEDAVALJUĆI
OPĆINSKOG VIJEĆA***

ZAPISNIČAR

Azra Ibrahimović

Kenan Kamenjaš